

Lög um lántökuheimild fyrir ríkisstjórnina til að reisa lýsisherzluverksmiðju, undirskrifuð af forsetanum sama dag, nr. 82.

Lög um breyting á lögum nr. 81 23. júní 1936, um sveitarstjórnarkosningar, undirskrifuð af forsetanum sama dag, nr. 83.

Lög um breyting og viðauka við lög nr. 65 11. júní 1938, um skatt- og útsvars-greiðslu útlendinga o. fl., undirskrifuð af forsetanum sama dag, nr. 84.

Lög um ráðstafanir í sambandi við skilnað Íslands og Danmerkur, undirskrifuð af forsetanum sama dag, nr. 85.

Lög um rannsóknarstofnun háskólans í búfjarmeinafræði, undirskrifuð af forsetanum sama dag, nr. 86.

Auglýsing um niðurfelling hvervendarsamningsins við Bandaríki Ameríku frá 1941 o. fl., undirskrifuð af forsætisráðherra 11. október 1946, nr. 87.

- 104** Staðfesting forsetans á skipulagsskrá fyrir sjóðinn „Heimilisprýðin“, útgefin 11. júlí á venjulegan hátt að mandatum af dómsmálaráðherra 11. júlí 1946. Skipulagsskráin er þannig:

SKIPULAGSSKRÁ

fyrir sjóðinn Heimilisprýðin.

1. gr.

Sjóðurinn heitir Heimilisprýðin og voru lögð drög að stofnun hans 22. dag maímánaðar árið 1933. Þá var tekið fram: „Þeir, sem vilja minnst einhverrar góðrar konu lífs eða liðinnar, í hvaða stöðu, sem hún er, að votta viðurkenningu og halda minningu hennar á lofti, senda þessum sjóði, er hlotið hefur nafnið Heimilisprýðin allmyndarlega peningaupphæð ásamt mynd af þeirri konu, sem minningin er helguð, nafni hennar, heimili, aldri og stöðu.“

2. gr.

Sjóðurinn er nú að upphæð rúmar 17 þúsundir króna.

3. gr.

Varðveizla og stjórn sjóðsins skal vera í höndum stjórnar kvennaheimilisins Hallveigarstaða, eins og hún er skipuð á hverjum tíma. Þó má stjórnin fela öðrum umsjá sjóðsins ef þörf þykir.

4. gr.

Sjóðnum skal varið til að kaupa húsgögn og listræna muni handa Hallveigarstöðum. Þó má lána fé sjóðsins vaxtalaust til sjálfrar húsbyggingarinnar, er endurgreiðist, þegar byggingu er lokið og kaupa þarf muni í húsið.

5. gr.

Nú berst sjóðnum fé eftir að farið er að starfrækja Hallveigarstaði og heimilið er fullgert og búið öllum húsgögnum, er stjórn heimilisins þá heimilt að verja allt að $\frac{1}{4}$ af árstekjum sjóðsins til endurnýjunar og prýðis heimilinu. Það, sem eftir verður af árstekjum sjóðsins, skal standa og ávaxtast þangað til að hann er orðinn 100 þúsund krónur. Skal sjóðnum þá ráðstafað á eftirfarandi hátt:

- a. $\frac{1}{4}$ hluta vaxta sjóðsins skal varið til að prýða Hallveigarstaði, sbr. 4. gr. fyrri lið.

- b. $\frac{1}{2}$ hluta vaxta sjóðsins skal varið til að styrkja ungar efnilegar stúlkur, er óska framhaldsmenntunar í heimilisstörfum eða í listrænum heimilisiðnaði. Nemendur frá vinnuskóla eða námskeiðum stofnunarinnar, skulu hafa forgangsrétt að þessu styrktar- og verðlaunafé Heimilisprýðinnar. 104 11. júlí
- c. $\frac{1}{4}$ hluti vaxta sjóðsins sé lagður við höfuðstól.

6. gr.

Tekjur sjóðsins eru: Minningargjafir, áheiti, aðrar gjafir, svo og vextir af höfuðstól.

7. gr.

Stjórn sjóðsins ber að sjá um, að innfærðar séu í þar til gerða bók, myndir af þeim konum, er minningargjafir eru helgaðar, svo og nöfn þeirra, heimili, aldur og stöðu, sjá 1. gr.

Bók þessi skal liggja til sýnis og hvatningar á völdum stað á kvennaheimilinu.

8. gr.

Stjórn sjóðsins ber að halda gerðabók fyrir sjóðinn og færa í hana skipulagsskrána, fundarsamþykktir, umsóknir um styrk úr sjóðnum, styrkveitingar og ástæður fyrir þeim og allt annað, er varðar hag og rekstur sjóðsins. Sjóðstjórninni ber einnig að færa sérstaka bók yfir eignir sjóðsins, tekjur hans og gjöld og færa í hana ársreikning sjóðsins.

9. gr.

Skipulagsskrá þessi skal lögð fyrir forseta Íslands til staðfestingar.

Staðfesting forsetans á skipulagsskrá fyrir „Minningarsjóð systkinanna Hildigunnar Þorsteinsdóttur og Friðþjófs Þorsteinssonar“, útgefin á venjulegan hátt að mandatun af dómsmálaráðherra 11. júlí 1946. 105 11. júlí

Skipulagsskráin er þannig:

SKIPULAGSSKRÁ

fyrir Minningarsjóð systkinanna Hildigunnar Þorsteinsdóttur og Friðþjófs Þorsteinssonar.

1. gr.

Sjóðurinn heitir Minningarsjóður systkinanna Hildigunnar Þorsteinsdóttur og Friðþjófs Þorsteinssonar.

2. gr.

Stofnfé sjóðsins er:

- a. Kr. 3000.00 — þrjú þúsund krónur —.
- b. Ljós-lækningatæki.

3. gr.

Minningarsjóðurinn er gjöf til barnaskólans á Dalvík frá Ingibjörgu Baldvinsdóttur og Þorsteini Jónssyni, til minningar um fyrrnefnd börn þeirra, Hildigunni og Friðþjóf.

4. gr.

Alla peningaeign sjóðsins skal geyma og ávaxta í Sparisjóði Svarfaðardals-hrepps eða annarri tryggri peningastofnun eða ríkistryggðum bankavaxtabréfum eftir ákvörðun sjóðstjórnarinnar. Ljós-lækningatækin skal geyma á þeim stað, er stjórn sjóðsins telur öruggan og hentugan til starfrækslu þeirra.